

舍衛國王夢見十事經  
國王不梨先尼十夢經  
阿難同學經  
五蘊皆空經



二百八十四  
思四



四經同卷四

思

舍衛國王夢見十事經

國王不黎先居十夢經

阿難同學經

五蘊皆空經

舍衛國王夢見十事經

失譯今附西晉錄

佛在舍衛祇桓阿難邠坵阿藍時國王波斯

匿夜卧夢見十事何謂為十事一者見三瓶

併兩邊滿中央空兩瓶滿沸氣交往來不入

空瓶中二者見馬口亦食尻亦食三者見小

樹生華四者見小樹生實五者見一人切繩



入後有羊主食繩六者見狐坐於好床食以  
金器七者見大牛還從小犢子乳八者見四  
牛從四面鳴來相趣欲鬪當合未合不知牛  
虺九者見大陂水中央濁四邊清十者見溪  
水流政赤王夢已即覺王大惶怖恐亡其國  
軀明日王即召公卿大臣及明道知解夢者  
婆羅門皆到王前王即爲說夜夢十事誰能  
解者諸能解夢者即言我能解之恐王聞之  
不樂王言便說之如卿所知婆羅門即爲王  
說之言當殺王太子以祠天王重夫人當殺  
以祠天王邊旁持奴婢當殺以祠天王所有  
白鳥當殺以祠天王所重好馬當殺以祠天

王所可卧具及著身珍寶好物皆當燒用祀  
天王此王身乃無他王聞婆羅門解夢如是  
王即大愁憂却入齋室思念是王有一夫人  
名摩利就到王所齋室問王何爲入齋室愁  
憂我身將有過失王即言若莫問儻聞者令  
苦愁夫人即復問何因緣愁王言不須復問  
聞者令苦憂夫人復言我是王身半也王有  
急緩當以告我王即爲說之言我昨日夜夢  
見十事一者見三瓶兩邊滿中央空兩瓶滿  
沸氣交往來不入空瓶中二者見馬口亦食  
屎亦食三者見小樹生華四者見小樹生實  
五者見一人切繩六者見

狐坐婢床食以金器七者見大牛還從小犢  
子乳八者見四牛從四面鳴來相趣欲鬪當  
合未合不知牛處九者見大陂水中央濁四  
邊清十者見大溪水流政赤夢已即覺惶怖  
夢如是恐亡我國恐亡我子恐亡我國中人  
民及明日我即召公卿大臣諸婆羅門能解  
夢者爲說夢如是婆羅門解夢言王所愛者  
皆當以祠天用是故憂愁夫人言王莫愁憂  
人行買金以金磨石好惡其色見石上今佛  
在祇桓阿難邠垓阿藍可往問佛夢意如佛  
解者當隨佛語王即勅左右車騎車騎以嚴  
王即乘高善車車名披羅延時車騎數千即

從舍衛到祇桓阿難邠坂阿藍得步徑即下  
車步到佛所見佛前以頭面著佛足乃坐白  
佛言我昨日夜夢見十事一者見三瓶併兩  
邊滿中央空兩瓶滿沸氣交往來不入空瓶  
中二者見馬口亦食尻亦食三者見小樹生  
華四者見小樹生實五者見一人切繩人後  
有羊主食繩六者見狐坐於好床食以金器  
七者見大牛還從小犢子乳八者見四牛從  
四面鳴來相趣欲鬪當合未合不知牛處九  
者見大陂水中央濁四邊清十者見大溪水  
流政赤我夢如是覺即怖懍恐亡我國恐亡  
我子恐亡我國中人民及王言願佛為我解

是十事佛即告王言莫恐莫恐所夢者無他  
於王身無惡於國亦無惡於妻子亦無惡於  
夫人亦無惡王所夢者皆爲後世施耳後世  
人不畏法皆淫泆皆貪一妻不厭足數怒愚  
癡不知慙愧王夢見三瓶併兩邊滿中央空  
兩瓶滿沸氣交往來不入空瓶中者後世人  
當不給視貧窮近親兩富自相饋遺王夢見  
一事者政爲是耳王莫恐莫恐於國於身妻  
子皆無他王夢見馬口亦食屎亦食者後世  
大臣當稟食於官復食於民王夢見二事者  
但爲是耳王莫恐莫恐於國於身妻子皆無  
他王夢見小樹生華者後世人年未滿三十



當頭生白髮王夢見三事者政爲是耳王莫  
愁莫恐於國於身妻子皆無他王夢見小樹  
生實者後世女人年少當行嫁抱子不知慙  
愧王夢見四事者政爲是耳王莫恐莫恐於  
國於身妻子皆無他王夢見一人切繩人後  
有羊主食繩者後世人當行出賈留婦於家  
婦當私與男子共栖宿王夢見五事者政爲  
是耳王莫恐莫恐於國於身妻子皆無他王  
夢見狐坐於好床食以金器者後世賤人當  
有財富者當在上坐食飲極味王夢見六事  
者政爲是耳王莫恐莫恐於國於身妻子皆  
無他王夢見大牛還從小犢子乳者後世人

母當爲女作媒將他人男子與女共房母當  
主守門持女媼錢用自給活王夢見七事者  
政爲是耳王莫恐莫恐於國於身妻子皆無  
他王夢見四牛從四面鳴來相趣欲鬪當合  
未合不知牛處者後世人大臣當不畏天媼  
汰貧一妻不厭足數怒愚癡不知慙愧不畏

上下雨師不爲時節帝王長吏人民皆當請  
雨雨師見帝王長吏人民施行如是故四面  
起雲帝王長吏皆喜言雲以四面起今當雨  
頃臾間雲各自散去雨師故見恠欲使帝王  
長吏人民畏天地不媼汰不貪守一妻慈心  
莫怒王夢見八事者政爲是耳王莫恐莫恐

於國於身妻子皆無他王夢見大陂水中央  
濁四邊清者後世人民在閭浮利內者當不  
孝父母不敬長老無反復不願後邊國當孝  
父母敬長老有反復王夢見九事者政爲是  
耳王莫恐莫恐於國於身妻子皆無他王夢  
見大溪水政赤者後世諸王當不戢其國興  
師人民起兵共鬪當作車兵馬兵步兵當以  
車兵相殺馬兵相殺步兵相殺血流政赤王  
夢見十事者政爲是耳王莫恐莫恐於國於  
身妻子皆無他是夢者皆爲後世方來之事  
王即長跪言得佛教心即歡喜如人持小器  
受膏膏多器小更求大器得大器更受之即

安隱不忍王即愁覺首再拜前以頭面著佛足  
而去還歸於宮重賜政夫人皆奪諸公大臣  
俸祿不復信諸婆羅門語

舍衛國王夢見十事經

佛說國王不黎先尼十夢經

東晉竺曇無蘭譯

聞如是一時佛在舍衛國祇樹給孤獨園時  
國王不黎先尼夜卧夢見十事何等十事一  
者夢見三瓶併兩邊瓶滿氣出相交往來不  
入中央空瓶中二者夢見馬口食屎亦食三

者夢見小樹生華四者夢見小樹生果五者  
夢見一人索繩人後有羊羊主食繩六者夢  
見狐於金牀上於金器中食七者夢見大牛  
還從犢子乳八者夢見四牛從四面鳴來相  
趨欲鬪當合未合不知牛處九者夢見大陂  
水中央濁四邊清十者夢見大谿水流正赤  
王夢見是事已即寤大恐亡其國及身妻子  
王明日即召公卿大臣及諸道人曉解夢者  
問言昨夜卧夢見十事如是夢即寤恐怖意  
中不樂誰能解夢者諸道人中有一婆羅門  
言我能爲王解之恐王聞者愁憂不樂王言  
如卿所覩便說之勿有所諱婆羅門言王夢

者皆各惡非告事當取所重愛夫人太子及  
邊親近侍人奴婢皆殺以祠天王可得無他  
王有卧具及著身珍寶好物皆當燒以祠天  
如是者王身可得無他

王聞婆羅門解夢如是王即大愁憂不樂却  
入齋房思念是事王有正夫人名摩屈到王  
所問王言何爲入齋房愁憂不樂我身將有  
過失於王耶王言汝無過於我自愁憂耳夫  
人復問王用何等故愁憂王言汝莫問我聞  
者令汝不樂夫人復言我是王身半設有善  
惡王當語我云何不相語耶王便爲夫人說  
我昨夜夢見十事

夢已即寤我大愁憂恐怖恐亡我國及身妻  
子我召群臣公卿諸道人爲說所夢十事有  
婆羅門爲我解夢言當取所愛重夫人太子  
及邊親近侍從人奴婢及白象名馬皆殺以  
祠天及所卧具著身珍寶皆燒祠天王身乃  
可得無也我用是故愁憂不樂耳夫人言王  
莫愁憂如人買金磨石好醜善惡其色自見  
於石上今佛近在精舍去國不遠何以不往  
問夢意如佛所解當隨之

王即勅左右群臣嚴駕而出到佛所得步徑  
王下車前到佛所以頭面著佛足却坐白佛  
言我昨夜夢見十事



一者夢見三瓶併兩邊瓶滿氣出相交往來  
不入中央空瓶中二者夢見馬口食尻亦食  
三者夢見小樹生華四者夢見小樹生果五  
者夢見一人索繩人後有羊羊主食繩六者  
夢見狐坐於金牀上於金器中食七者夢見  
大牛還從犢子乳八者夢見四牛從四面鳴  
來相趨欲鬪當合不合不知牛處九者夢見  
大陂水中央濁四邊清十者夢見谿水流正  
赤我所夢如是寤即恐怖恐亡我國及身妻  
子惟佛爲解所夢十事願聞教戒佛言王莫  
恐王夢者皆無他王所夢乃爲後世當來之  
事非今世佛言後世人當不畏法禁淫泆貪

利嫉妬不知馱足少義理無慈心喜怒不知慙愧

佛言第一夢見三瓶併兩邊瓶滿氣出相交往來不入中央空瓶中者後世人豪貴者自相追隨不視貧者王夢見三瓶併正謂是耳王莫恐莫恐於王國於太子於夫人皆無他佛言第二王夢見馬口食屎亦食者後世人作帝王及大臣稟食縣官俸祿復採万民不知馱足王夢見馬口食屎亦食正謂是耳王莫恐莫恐於王國於太子於夫人皆無他佛言第三王夢見小樹生華者後世人年未滿三十而頭生白髮貪婬多欲年少強老王夢

見小樹生華者正謂是耳王莫恐莫恐於王國於太子於夫人皆無他也

佛言第四王夢見小樹生果者後世女人年未滿十五便行嫁抱兒而歸不知慚愧王夢見小樹生果者正謂是耳王莫恐於王國於太子於夫人皆無他

佛言第五王夢見一人索繩人後有羊羊主食繩者後世人夫壻出行賈作婦於後便與他家男子交通食其財物王夢見一人索繩者正謂是耳王莫恐於王國於太子於夫人皆無他

佛言第六王夢見狐坐金牀上於金器中食

後世人下賤更尊貴有財產眾人敬畏之公  
侯子孫更貧賤處於下坐飲食在後王夢見  
狐坐金牀上於金器中食正謂是耳王莫恐  
於王國於太子於夫人皆無他

佛言第七王夢見大牛還從小犢子乳者後  
世人無有禮義母反為女作媒誘恤他家男  
子與女交通采女求財物以自饒給不知慙  
愧王夢見大牛還從犢子乳者正謂是耳王  
莫恐於王國於太子於夫人皆無他

佛言第八王夢見四牛從四面鳴來相趨欲  
鬪當合未合不知牛處者後世帝王長吏及  
人民皆無至誠之心更欺詐愚癡瞋恚不敬

天地用是故雨澤不時長吏人民請禱求雨  
天當四面起雲雷電有聲長吏人民咸言當  
雨須臾之間雲散而去雨為不墮所以者何  
帝王長吏人民無有忠正慈仁故王夢見四  
牛鳴來相趨當合未合不知牛處者正謂此  
耳王莫恐於王國於太子於夫人皆無他

佛言第九王夢見大陂水中央濁四邊清者  
後世中國當擾亂治行不平人民不孝父母  
不敬長老邊國面當平清人民和睦孝順二  
親王夢見大陂水中央濁四邊清者正謂是  
耳王莫恐於王國於太子於夫人皆無他  
佛言第十王夢見大谿水流正赤者後世諸

國當分爭興軍聚衆更相攻伐當作車兵步兵騎兵共鬪相殺傷不可稱數死者於路血流正赤王夢見大谿水流正赤正謂是耳王莫恐於王國於太子於夫人皆無他

佛言王夢見者皆爲後世當來之事非今世事王莫恐愁憂也王即長跪言得佛教心即歡喜譬如人持小器盛膏膏多器小更求大器盛之安隱不復恐今我受佛恩得安隱王即爲佛作禮還歸宮中重賜正夫人皆奪諸大臣俸祿王言我從今以後不信諸異道人及婆羅門所語

佛說國王不黎先臣十夢經



阿難同學經

後漢三藏法師安世高譯

聞如是一時婆伽婆在舍衛城祇樹給孤獨園。爾時舍衛城有比丘名掘多是尊者阿難少小同學。其愛敬念親昵。未曾恚怒。然不樂修梵行。欲得捨戒。還為白衣。是時阿難至世尊所。到已。頭面禮足。在一面立。時阿難白世尊言。於此舍衛城有比丘名曰掘多。是我少小同學。不堪任修梵行。欲捨戒。還為白衣。願世尊與掘多比丘說法。使於此現法中清淨。



修梵行

時世尊告阿難。汝自往詣彼掘多比丘。所對曰。如是世尊。阿難從佛受教。便至掘多比丘所。世尊呼對曰。如是時。掘多比丘從阿難教。至世尊所。到已。頭面禮足。在一面坐時。世尊告掘多比丘言。云何比丘。汝審不樂修梵行。欲捨禁戒。還爲白衣耶。比丘報言。審然。世尊所以然者。身熾盛。意亦熾盛。不堪任清淨修梵行。世尊告曰。比丘。女人有五穢行。云何爲五。比丘女人臭穢言語。麁獷無返復心。猶如虻蚋。常懷毒垢。此女人增益魔衆。難得解脫。亦如鈎鎖。女人不可親近。猶如雜毒。不

可食女人不可消亦如金剛壞敗人身比丘  
亦如火燄猶彼阿鼻泥犁比丘女人不可觀  
察猶彼臭糞比丘女人不可聽聞猶如死響  
比丘女人如牢獄猶如鞞摩質多牢獄阿須  
繫輪  
比丘女人是怨家亦如虻蚋比丘當遠離猶  
惡知識比丘女人為恐怖猶賊村落比丘人  
身難得猶優曇鉢華比丘人身甚難得猶彼  
板一孔推著水中數萬歲乃值其孔比丘時  
亦難遇除其八時汝比丘已得人身身皆是本  
行所造比丘佛世尊出世甚難遇猶如石女  
無子比丘如來出世甚難遇亦如優曇鉢華  
比丘已得人身已得受具足戒亦得入眾猶

彼蒙尊國王亦爲人說法休息止觀至涅槃  
界至彼處如來善說此法汝比丘淨修梵行  
當盡苦源時彼比丘從佛受是教誡即從座  
上無有塵垢得法眼淨時彼比丘即從座起  
頭面禮卮尊足便退而去尔時彼比丘聞卮  
尊說是教誡在一閑靜處而自娛樂已在閑

靜處而自娛樂所以族姓子剃除鬚髮著袈  
裟衣於如來所修無上梵行盡生死源梵行  
已立所作已辦更不復受母胎是時彼比丘  
即成阿羅漢時尊者掘多至卮尊所到已頭  
面禮足在一面坐時尊者掘多白卮尊言卮尊  
所教誡今已還覺願卮尊聽般涅槃時卮尊

默然不對尊者掘多比丘再三白世尊言世  
尊所教今已還覺願世尊聽般涅槃時世尊  
告曰比丘今正是時彼比丘即從坐起頭面  
禮足遶世尊三匝便退而去還詣己房到已  
除去坐具於露地布坐具便昇虛空現若干  
變化或化一身爲若干身或化若干身爲一  
身或爲石鐵或爲金剛或爲牆壁城郭或爲  
高山石壁皆過無礙出沒於地譬如流水而  
無罣礙結跏趺坐滿虛空中譬如大火炎亦  
如飛鳥猶如此日月有大威神有大力勢以  
手摩拊化身至梵天於虛空中坐卧經行或  
現煙炎身下出煙身上出火身上出煙身下

出火左出煙右出火右出煙左出火前出煙  
後出炎後出煙前出炎舉身出煙舉身出炎  
舉身出火時彼比丘還鍛神足即就獨座結  
跏趺坐直身正意繫念在前便入初禪從初  
禪起入第二禪從二禪起入第三禪從三禪  
起入第四禪從第四禪起入空處從空處起  
入識處從識處起入不用處從不用處起入  
有想無想從有想無想起入想知滅三昧從  
想知滅三昧起入有想無想不用處識處空  
處四禪三禪二禪初禪復從初禪起入第二  
禪第三禪時尊者掘多從第四禪起便捨身  
壽於無餘涅槃界便般涅槃

時阿難供養尊者掘多舍利至世尊所到已  
頭面禮足在一面立時阿難曰世尊言彼掘  
多比丘者從如來受教誡在閑靜處而自娛  
樂所以族姓子剃除鬚髮著三法衣以信堅  
固出家學道修無上梵行盡生死源梵行已  
立所作已辦更不受母胎世尊彼尊者掘多  
已般涅槃

世尊告曰甚奇甚特阿難佛世尊成就無量  
智慧能使掘多比丘濟生死淵此阿難如來  
所行已足況度無數百千衆生濟生死淵及  
餘當拔濟者是故阿難當發慈意於佛於法  
於衆如是阿難當作是學是時尊者阿難聞

佛所說歡喜奉行

阿難同學經



五蘊皆空經

唐三藏法師義淨譯

如是我聞一時薄伽梵在婆羅痖斯仙人墮  
處施鹿林中。爾時世尊告五苾芻曰。汝等當  
知色不是我。若是我者。色不應病及受苦惱。  
我欲如是色。我不欲如是色。既不如是。隨情  
所欲。是故當知色不是我。受想行識亦復如  
是。復次苾芻。於意云何。色爲是常。爲是無常。



白言大德色是無常佛言色既無常此即是  
苦或苦苦壞苦行苦然我聲聞多聞弟子執  
有我不色即是我我有諸色色屬於我我在  
色中不不介世尊應知受想行識常與無常  
亦復如是凡所有色若過去未來現在內外  
麤細若勝若劣若遠若近悉皆無我汝等當  
知應以正智而善觀察如是所有受想行識  
過去未來現在悉應如前正智觀察若我聲  
聞聖弟子衆觀此五取蘊知無有我及以我  
所如是觀已即知世間無能取所取亦非轉  
變但由自悟而證涅槃我生已盡梵行已立  
所作已辦不受後有說此法時五苾芻等於

諸煩惱心得解脫信受奉行

五蘊皆空經

思

舍衛國王夢見十事經

邠

邠上布巾

移反匿反

即下覺反

怖下據音

其

饋去遺反

惟下醉反

國王不黎先臣十夢經

尻

犢反

大陂音

谿下諱音

許反貴音

祠音

詞

媯或佚下

一反稟反

食上俸反

房反用

聾二聾音

細同

賈作

誘上恤音

思律下

騎上兵去

聲

阿難同學經

掘多

物上反

眡反

鹿獮俱

猛

蚘音

官反

鈎鎖

上古侯反  
下鑣字同反  
推著  
上土回反  
下正作著  
摩拔  
下亡  
反淵  
烏懸

五蘊皆空經

新八反  
反反



